

ভারত মহাসাগরীয় অঞ্চলের নৌ প্রধানদের সম্মেলন শুরু

প্রকাশ : 11 জানুয়ারি, ২০১৬ ১৭:৪২

ইন্ডিয়ান ওশান নেভাল সিম্পোজিয়াম আইওএনএস।

সম্মেলনে ৩০টি দেশের নৌবাহিনী প্রধান, ঊর্ধ্বতন নৌ কর্মকর্তা, সমুদ্রবিষয়ক আন্তর্জাতিক নিরাপত্তা সংস্থাগুলোর প্রধান, মেরিটাইম বিশেষজ্ঞ ও পর্যবেক্ষক দলের প্রতিনিধিরা অংশ নেন।

ভারত মহাসাগরীয় অঞ্চলের নৌবাহিনী এবং এ অঞ্চলের সমুদ্রবিষয়ক নিরাপত্তা সংস্থাগুলোর উদ্যোগে ২০০৮ সালে প্রতিষ্ঠিত হয় ইন্ডিয়ান ওশান নেভাল সিম্পোজিয়াম (আইওএনএস)। এ অঞ্চলের উপকূলীয় দেশগুলোর মধ্যে মেরিটাইম নিরাপত্তা, পারস্পরিক বন্ধুত্বপূর্ণ সম্পর্ক উন্নয়ন ও পেশাগত সহযোগিতা গড়ে তোলার লক্ষ্যে প্রতিষ্ঠা করা হয় আইওএনএস।

ভারত মহাসাগরীয় অঞ্চলের নৌবাহিনী এবং উপকূলীয় নিরাপত্তা সংস্থাগুলোর অন্যতম বৃহৎ জোট হিসেবে আইওএনএস প্রতিষ্ঠিত হয়েছে। বর্তমানে এ সংস্থার অধীনে ২২টি সদস্য দেশ অস্ট্রেলিয়া, বাংলাদেশ, ফ্রান্স, ভারত, ইন্দোনেশিয়া, ইরান, মালদ্বীপ, মরিশাস, মোজাম্বিক, মায়ানমার, ওমান, পাকিস্তান, সৌদি আরব, সিসিলি, সিঙ্গাপুর, দক্ষিণ আফ্রিকা, শ্রীলংকা, তানজানিয়া, থাইল্যান্ড, পূর্ব তিমুর, সংযুক্ত আরব আমিরাত ও যুক্তরাজ্য রয়েছে। এছাড়া, চারটি পর্যবেক্ষক দেশ মালয়েশিয়া, মাদাগাস্কার, গণচীন ও জাপান এবং সমুদ্রবিষয়ক নিরাপত্তা সংস্থা রয়েছে।